

Më shumë profesionalizëm në mbarështimin e të imtave



Fig. 1: <https://wikifarmer.com/de/anfangen-schafe-zu-zuchten-schritt-fur-schritt/>

Mbarështruesit e deleve ne Austrinë Veriore kanë arritur një status të veçantë te blerësit, nëpërmjet cilësisë së lartë të mishit të deles.

Para një dekade, një grup mbarështruesish delesh filloi me prodhimin e mishit shumë cilësor të qingjit. Paraprakisht u krye përcaktimi i termit "cilësi":

Tiparet dalluese të mishit cilësor:

- **Ngjyra e mishit:** mishi i qingjit duhet të ketë një ngjyrë të kuqe të hapur deri në të kuqe tulle. Zakonisht tek kafshët e reja, ngjyra e mishit është më e hapur.

- **Struktura:** përcaktohet nga trashësia e fibrave muskulore. Mishi i qingjit të njomë ka fibra më fine.
- **Butësia (sa i njomë është mishi):** butësia e mishit ndikohet nga përmbajtja e rretëzimit të indeve lidhëse. Sa më e vjetër (në moshë) kafsha- aq më shumë inde lidhës- aq më e gjatë koha e zierjes (pjekjes, skuqjes etj). Sa më e re kafsha- aq më pak inde lidhës- aq më e shkurter koha e zierjes (pjekjes, skuqjes etj).
- **Shpërndarja e yndyrës:** me "mermerizim" kuptohen damarët e hollë të yndyrës, të cilët përshkojnë indin muskolor. Këto depozitime të lehta yndyre e bëjnë mishin më aromatik dhe realizojnë cilësinë e " Mishit të butë".
- **Aftësia e ruajtjes së lëngut (aftësia e lidhjes së ujit)**

Mishi "pak i dhjamosur" përmban si rregull 75% ujë, i cili në mënyrë të natyrshme është i lidhur në proteinat e mishit dmth në fibra shumë të imta. Sa më fortë të jetë lidhur uji në këto fibra aq më e lartë vlerësohet cilësia.

Për këtë, u bashkëpunua me studentë të Universitetit Ekonomik në Linz. Fermerët kishin detyrën të prodhonin pikërisht atë mish qingji, të cilin dëshironin konsumatorët. Ekspertët e shoqatës dhe mbarështruesit e deleve përpunuan linjat dhe kriteret, të cilat mbështesnin arritjen e këtij qëllimi në praktikë. Personat përgjegjës u bindën shumë shpejt që prodhimi i cilësisë së lartë të mishit, mundësohet vetëm me kafshë race, të cilat duhet të mbahen dhe ushqehen shumë mirë.

Në stadin fillestar të punës sonë ne referuam tek mbajtësit e bagëtive të imta mbi punën mbarështuese, metodat e reja të ushqimit dhe mbajtjes, por ata, nuk na morën seriozisht. Vecanërisht skepticizëm ndeshëm në përdorimin intensiv të koncentratit dhe periudhën e shkurtër të majmërisë.

Një dhjetëvjeçar më vonë konstatuam gjithmonë e më shumë mbajtës delesh, të cilët pranonin mënyrën tonë të këshillimit, "know-how" dhe njohuritë tona profesionale dhe mbarështonin e prodhonin në përputhje me to.

Suksesi na jep të drejtë!!!

Në të gjithë Europën nuk prodhohet dhe shitet në asnjë vend, cilësi e tillë e lartë mishi qingji si në Landin e Austrisë se Sipërme. Rezultati është një situatë stabiliteti e tregut me nivel të lartë çmimi i shoqëruar me kërkesa gjithmonë e në rritje për produktet tona.

Suksesi i arritur bind gjithnjë e më tepër sipërmarrës të rinj dhe nga ata të cilët kërkojnë të ndryshojnë strukturën e fermës së tyre. Në kërkimet tona, ne mbajmë parasysh rritjen e cilësisë së jetës dhe kohën e lirë të fermerëve tanë. Shpenzimet e investimit duhet të mbahen sa më ulët të jetë e mundur.

Teknologjia e lartë në mbarështrimin e të imtave, i krijon mundësinë dhomës së bujqësisë të Landit të Austrisë së Sipërme të ofrojë prej vitesh një gamë të gjerë seminaresh shumë të vlefshëm për mbarështruesit e tyre.

Është vërtetuar që fermerë të specializuar dhe profesionalë janë në gjendje ta përballojnë shumë më lehtë të ardhmen dhe sfidat e tregut, në krahasim me fermerët që bëjnë investime të panevojshme me para e fuqi punëtore.

Përlllogaritjet në studime të ndryshme kanë treguar se mbajtja e deleve është vetëm në atë rast rentable, nëse punohet me profesionalizëm.

Mundësitë për arritjen e saj krijohen nëpërmjet dhomave vendore të bujqësisë

Pikat për rentabilitetin:

- Raca jo-sezonale dhe me rendimente të larta (p.sh. Merino)
- Predispozitat më të mira gjenetike (kushtet: testimi CT dhe ekzaminime shëndetsore)
- Mbajtje dhe sistemim në përputhje me nevojat e kafshës (stalla të ndriçuara dhe të ajrosura)
- Përdorimi i ushqimit voluminoz dhe koncentratit të cilësësë së lartë
- Koha e përshtatshme e therjes (therje duke eliminuar streset)
- Përpunim profesional (në copëzim apo ndarje)
- Marketing dhe logjistikë e përshtatshme

Në të gjitha bisedat këshilluese, aktivitetet e ndryshme dhe nëpër seminare, fermerët informohen në mënyrë të vazhdueshme për rentabilitetin e mbajtjes së deleve.

Delja e qumështit përbën gjithashtu një veçori shumë specifike. Për të qënë i suksesshëm me këtë racë, në rradhë të parë nevojitet zelli, shkathësia në përmirësim si dhe një sasi minimale e talentit për shitje. Ekzistojnë raca të tëra delesh, të cilat nuk janë të përshtatshme për të qënë rentable. Për këtë arsye çdo person, i cili në të ardhmen dëshiron të rrisi dele duhet të ketë parasysh rentabilitetin dhe ekonomizimin në fermën e tij.